



08373

秀水諸 錦草廬著

受業

平湖屈學瀛

子壻



高松對論圖

松下集

春暉堂前松一株二百年來冠城隅臺末養到合抱餘蒼皮
蛻骨冬不枯蜿蜒出檐偃蓋殊作鱗之而雲氣嘘勢能干霄
轉鬱紆右枝迴幹如斗顛左幹清蔭垂流蘇松釵松子松花
跗寒泉井冽滋寸膚懷冰六月風舒舒春時梅萼秋桂萼以
此作配亦不孤況有明月來庭除離離塵尾談精麤惡竹萬
竿影不如綺流暗雪涼風初科頭脫帽無礙拘清竒亦復見
野疎詩品似對司空圖名材梗梓枏榿梧柏椈杉栝楓樟櫛
一

絳跗閣詩彙

卷七

大者環谷小專車或為棟梁或樽楹或升廟堂或溝渠此松
特立無垢汙用舍任世非藏沽飽經霜電炎颺俱兀傲不數
五大夫爽鳩季翦更蒲姑閱人閱世如朝舖我來偶卜幽人
廬室無雲山誰與娛後彫之品真吾徒綠天俯仰抽苞莖商
聲一至供軒渠又況隨風柳與蒲辛不顛孽惟夫須帖帖錯
地蒼苔鋪客來矯首開青臚未及上堂先手摹敢同嘉樹韓
宣譽倘非散木樵櫛樗先生亦附徂徠書自從閩部無君謨
張湛橫受俗子誣縱遜弘景神仙居遙呼阮生亦不迂他年
茯苓菟絲敷青牛之角青羊珠風雨一夜飛天衢離離威鳳
翔八區小禽鼓翼飛九九決起一笑窺槍榆畢宏韋偃今在
亾清晨手提壓元都風吹解帶一語無松兮爾我有是夫

同人九日見招余以齋不赴會尚茶洋隨以詩來求和
薄笨車來柅到遲庾郎非共鮑家葵疊頌九日 離宮製不
減春城御柳詞勝飲樂人圖主客談鎡何計却熊羆知君不
作夸毗子萬戶侯須千首詩

吳劍虹禮部行卷中見同年沈珊友遺詩十律即用其
韻沈蓋與其室人俱歿十二年矣

何處重尋舊碧紗三山遠近赤城遮彩鸞併逐文簫逝野老
來悲龔勝家書趁媚時工齟齬句堪吟處韻衝牙紛紛交態
從輕薄莫漫軒渠頃刻花

戲東徐叟秋潭 徐本杭人家于京師數十年矣

老矣南徐作北徐故園松菊料全蕪舌翻布穀添吟興腹學

絳附閣詩彙

二

卷二

鴻夷貯茗腴倂結素交成石友每通先達署山夫何人脫手
黃金贈鑄得君軀范蠡無

輓同年陸堂前輩

畫船簫鼓赴青春促坐騰觚話舊頻誓墓歸來王內史研經
入夢陸居仁熟知謝舅何甥過張鐵那敵頭龍季虎均易學
流傳公不憾惜無禊譜老成人

大嘴烏效香山體

何物大嘴烏煽動鷓鴣雛離鼓翼連羣來彈壓慈烏孤慈烏失
覆庇人莞已集枯結巢雖高深鬼瞰多睢盱向來所倚托一
變成鷓鴣左瞻惟鬼車右顧惟訓狐詹詹是小巫炎炎是大
巫朝焉奪其枝暮焉啄其孥得食藏深深不容一粒舖慈烏

吐哺半大觜氣益麕厥翅張如輪搖頭捩天衢勢欲捲地皮
豈止倒筐肱鳳皇雖大聖不臣亦不誅鷹隼宜順時不搏亦
不毆衰哉復衰哉慈烏命須臾有危不能持有顛不能扶何
處可告訴淚填血糝糊羽族盡吁駭相戒如畏途孰知辟不
祥適當執金吾大觜貫惡盈一敗淪胥鋪一訊伐毛草再訊
鉢肌膚三訊在不宥理應付鬪辜小巫與大巫奔走如逃奴
其餘城上烏烏尾訛畢逋天道癉元惡定巢返慈烏我詩附
諷諭以過殘賊誣

雪夜集清連社聯句余適不至補之

寒凝綏綏然夏之卷三歲三會雪騰空勢恁揚沈廷芳着物

冷金鐵漫漫靈霰震于振撩亂瓦溝警穿牕透一點劉綸照

蘇跗閣詩豪

三

卷七

簡影三滅模稜無主角齊名南光怪疎楹枕厚非天地閉程

向齊此萬物潔前期見霜松杭世駿茲夕盡蟬蛻大白酒深

深朱荃小把柴烈烈豈矜舊雨來周長發聊紹聚星哲順時

扁腰臘劉藻休微掃蝗虻預想麥有秋張漢行看草初茁思

艱適虎冰萬松齡調愛仰稷契懸知連十稔陳士璠不但慰

載渴遂止無已太諸錦附詩當補缺起看髻頭山陳兆崙踏

凍除木屑之卷

門神二十四首同吳郎中劍虹賦

寄聲休換舊堯符留伴匡床竹火爐殘甲最憐枵腹慣裂鞞

無復沒階趨衷甲胡鞞為街坊小兒碎去猶能張王雄豪在不厭淒涼膽

氣麕保直何堪經歲立春風慰爾覆屠蘇

左右賢如好弟兄雖然當戶澹逢迎不隨水去同漂梗辦得
裝成似慶卿碩步豈將威福假於人不挫市朝榮料無爆竹
喧逐若門比臣心一樣清

九關虎豹盡狺狺一隊前驅列九賓無思豈妨排劍戟不貪
應自識金銀雪珂葩不從天寵伐鼓鳴鍾大地春倘過醉人
須竟怒由來丞相污車茵

故鄉門第寄城陬盱望家書慰旅愁但使松梅添氣色從渠
徑實自揶揄土牛犖角驅寒去綵燕翩翩送喜酬縱爾春風
生面改當門難忘舊通侯

腹蟠目睥礫于思騰喜人無棄甲猜長腎風塵驚老醜劇憐
陰唱近輿臺嗔誰斷足林雍豐汰儼司閹韓起開我自耐寒

絳跗閣詩彙

四

卷七

君守歲未門蓬戶總春回

既是軍容又國容允文允武夾銜封委蛇可信無由徑樽俎
還勞見折衝祀比雷行雖一例銘先楹牖却加恭舊巢埽後
重来結羅雀何如噪鵲濃

想像人間行路難聊同縮地倚門看埋肩莫咲獼猴狀指佞
還須獬豸冠牆上為趨真易易樂府有墻上難為趨泥中久立故盤盤

佩刀細碎休牽刺去斬樓蘭滅賀蘭

戶外何人冕執戣傳呼壯士立階垂自今被後門無鬼終古
捎除山有夔在左還憐如在右神錐始信遇神椎凌烟爾許
無顏色一拂春風又壯頰

頭上銀幡常兩兩檐前喜鵲亦雙雙上林鶯繞枝長轉百斛

龍文鼎可扛，循彼南陔吟。有獺門焉大，國吠無危始。和況布陽春，令虛室通明。啓八牕。

爵壘神荼在曠林，歲時荆楚一披尋。封豕沈似蓐黃祀，來降門階戶席臨。無我無人休失伍，有莞有桔付題箴。盈虛三易皆常態，與子盟心暮夜金。

送故迎新俗自澆，逐負倚富爾宣驕。肯來炙手擎雙爵，可愛清風聳百寮。由後視今今視昔，看與臣隸隸臣僚。為將軍計良勞苦實地全無立暮朝。

季荊蒲姑逢伯陵，爽鳩以後閱頻仍。次公傳舍醒時語，晏子牛山笑不應。擬充高門由厚德，欲封萬戶勿凶矜。為人自為君知否，莫帶門墻作燕朋。

絳跗閣詩彙

五

卷七

麒麟閣上占西東，鷓鴣行中見直躬。敢謂登壇名絕假，熟知仗劍敵皆雄。祛除下界無么麼，結束朝班引上公。封事自來相倚重，如今已是關門風。

叨蒙地主為留淹，五載長安去住兼。進退想應無德色，炎涼相代已蒼髯。儂如顏闔知非癖，客若王符亦不嫌。多愧重門過冷淡，並無酬酢一杯添。

相去升堂入室多，莫疑相向便操戈。題門只恐逢中散，別足翻憐是下和。榮汝繡衣須直指，早同擊柝耐勞歌。亦知鞅掌借朝夕，出入其如風議何。

箕口能神作簸揚，憐君兩地暗商量。喜無載寶仕朝客，熟視懷金同舍郎。舊歲預知新歲好，臯門更覺應門將。假如魯國

真男子應識平生有孝章

突不容黔蚤暮虜何為終日對柶柶蒙俱畧宵東家苦削跡
難于土偶齊子未事人麾不去吾寧作我任誰擠入庭祗許
風兼月詎有虛堂法喜妻

聲勢憑虛不足論莫懸布鼓在雷門隙中大抵隨觀鬪檐下
寧能雪戴盆一任窮奇構杌逞祗依戶牖屋廬尊直教嚼鬼
甜如蜜始怖終南有大閻

率從左右亦便蕃如鏡祛邪鼎鑄姦弓挽六鈞環臂上箭深
大羽插腰間明威赫赫姿常戰布武堂堂膽不裝尚勇若同
君子怒兩雄何必讓成觀

早見凶苗格兩階莫嗤干羽近俳諧 天門詖蕩來王會窮

絳跗閣詩棠

六

卷七

谷幽深掃霧薶鳥鼠穴沾

元后戴鼉鼉梁帖百神懷忻逢一統車書日共挹星辰聽履

皆時楚粵苗疆
王師大捷

紅帕纏頭紫玉鞭金花綵勝下翩翩徘徊參賜修容避縹緲
肝脾一飯前孫寶可憐惟祭竈公輸遮莫作鳴鳶主張不獨
持門戶無暴闕梁涉大川

吐哺歸心一咲秋風雲通處破墻巖忍看旋磨驢窮相獨搏
跋階狗佞讒半段槍持驚魄喪一輪日上注頭銜勇英氣肯
隨年減如戟須髯絕不凡

轉眼門楣插栢枝回頭豚潢及瓜時銅盤滴露秋風委銀箭
傳聲晚漏遲懷土原知非汝意摸金似亦畏人嗤殘杯忍負

將軍腹何似傳神甘首詩
棘門灞上如兒戲細柳長楊見策勳星麗文昌瞻上將仗森
武庫駐前軍居然一隊為城郭藉拱神京是幅員雙闢曙
來紫氣光華紉縵擁卿雲

讀帶經堂曝書亭兩先生詩

衣冠閱閱暨文章數美難并孰擅場楚族三閭昭屈景良臣
兩漢蓋韓揚台階北斗尚書職共嚮琅邪大道王更挹飛霞
天際佩乞公一勺帝臺漿

珠官貝闢幾人過紫府仙厨受福那花雨不知天女散珍禽
俱被國工羅淮陰勝豈因多算海上風來引若何便學先生
儲萬卷較量獺祭不多多

絳附閣詩彙

七

卷七

膠漆契效長慶體

何用說膠漆不在義與仁管鮑是何等雷陳是何親
後從鬻鮮肥炙手探金銀名利苟可得兩身成一身名利不可得
三人損一人一朝捐賓客萬事付埃塵豈無室與廬他人是糞
除豈無車與驢他人是馳驅羔裘亦有祛他人任居居巾箱
亦有書他人任舒舒雖云牝雞晨亦屬藁砧愚生時諒不謹
沒後誰嗟吁昔為漆與膠昵之如同袍今為蓬與蒿棄之如
一毛

送姚編修三崧歸覲

慈闈告養願遺榮難弟難兄兩合并遙羨潞河春一舸江魚
白白筍青青

春帆細雨雜濃花
萱草堂前映棗華
祇說詩人姚少監
豈知三瑞長靈芽

爭推外舅杜祁公
家世尚書聽履中
曾見班聯加謹潔
在家克孝在朝忠

不見龍眠李伯時
誰圖省覲柳邊詞
玉堂才子循陔去
抱影無慚束皙詩

抱影姚詩集名

日日酒贈吳膳部劍虹

日日酒不飲空負持螯手
酣酣自矜將及酉投并還倒陳遵
併遮門不用陶潛柳墜車無恙
神自完乘船但言馬却走門
前債主立雁行十千俸錢捐百觴
通德淒涼況參語一壺那
得致孟光垂簾獨酌不稱意
街東街西赴蘭契一斗大啖淳
絳跗閣詩彙

卷七

于髡二豪未染劉伯倫步兵不來吏部
卧人影月亦成三人
三杯大道通自然湛凝恪立君王前
壑谷看化為醴泉酒鎗
在手星在天醉鄉不往非高賢
閱襄陵盧給諫大興金御史封事

代馬空行氣不驕
人尤磊落想風標
寶鳴犢舜華顛倒李左
車韓信寐寥何意九臯聞
咳鶴應知在泮逐飛鴉
懲征不有司空注
千古才人恨未銷

顛倒寂寥本原詩語

端居澤笏畫魚須一疏
朝天百喙除憂國
還同益鐵論保邦
不是短長書徒薪曲突
真良策盛菜園且荷鋤
好在清時鳴鶯鶩不徒衣
繡耀鄉閭

金生曾受業故末句規之

寓園草木十一首

南山亦有杞北山亦有杞甘苦當告誰為問采藥子枸杞
兩翅何翩翩來去矜風流小草爭附托我已薄魏收胡蝶花
絳苑故不惡含蕊更番開翻疑探花者一度元都來絳桃

二十四春風含愁不展結何當兩離離取次幽人悅丁香
江梅已搖落誰與玩芳草灼灼黃金花伴汝空谷好刺梅

瑤臺聚八仙羅生衆香國奪汝亭亭姿湘妃惜不得水仙
風開無主花鳥蹴紛紛落日暮鳥亦稀滿地無人覺紫藤

一丈莢葵花移時過墻出自經沃土栽張王故無匹莢葵
杞樗等櫟樹蔽芾良可懷題詩足千古那問材不材櫟

誰謂傾一石甘遜溥于鬢苦匏亦有材看取剗為樽蒟蒻
鳳子久不來浩歌淚如寫岐山或在茲意不在拱把梧桐

絳跗閣詩彙

九

卷七

題蟲魚畫冊

寧環水一曲情深如鏡中幽人數來往仍戲蓮葉東鯈魚

輕舟澹忘歸蝦菜有餘樂想見牽罾人烟水溼芒屨蝦

爾雅注蟲魚字汝曰不過黃雀坐卑枝抱影無自大螳螂

高槐不受暑院靜風蟬鳴鳴聲坐來歇遠我林壑情蟬

繅絲無篝燈涼月挂疎柳弄聲不成纈何用驚懶婦絡緯

蝶已更物化莊又入化境畫蝶無了時輾轉忘其正蝶

負殼欲上墻紆行難為趨負殼欲下墻涎枯難為濡蝸牛

蕭蕭秋雨晨彷彿床下響古之傷心人於此還惻愴蟋蟀

宋貞女詩

宋古農女文學程某配

女子許字而未昏猶之委質而未仕君若周民曰餽粟士秉

介節先執雉臣不二心見策名仕未受祿猶處士仁人志士各有懷晏嬰厲紉兩誰是女而未婦義待人除衰后嫁亦喪禮在室歸妻古所難獨見卬須宋之子深衣縞總不在塗地老天荒答予美春秋二百四十二唯有共姬無可訾歷數于歸四十年貞玉遭焚逮火死人間苦節無不有盲左之評直無理一家千載見賢媛姪其從姑媿彤史所天姑舅一身喪崩城一慟能無阨我作清詩播汝芳桃李難為中作婢貞臣貞女一般心梅花原在廣平里

答帥藩臺書代柬

昨夜西風鴈離羣叫影疎今朝北牕月清露點霜初待欲題桐葉憑誰寄鯉魚非君有高唱眇眇正愁予

絳跼閣詩稟

十

卷七

送史武選方濤旋里

史為予中翰同年
又屬師門世誼

蘭江舟次話前期館伴中山樹兩旗逆旅重逢辭寵日中樞遺愛選郎時曉風殘月迷仙掌社鼓神鷄指佛狸門第不知清宦苦投金誰與贈臨岐

書初學集後

震澤潛溪後如公未易才高陽留行狀健筆最崔嵬左馬文猶及南狐事亦該甘陵盱兩部有幾黨魁來

書有學集後

投老依仙佛全身托遁辭豈真無忌憚亦自有須眉學海波瀾闊行窩杖屨隨錢鏗有宗譜東礪恨難追

奉使出都酌郭韻清檢討韻

使閩集

尉候連連驛騎趨諸胥歷歷鞋韎章跼拭塵白氎頻三沐透體
輕容表六銖地接魯邾聞擊柝交踰親暱却簞珠夷鴻史點
皆君子懷古臨風意一敷

危言脫口盡天倪韞線終難比叢縹杖杜每愁虛道左鱣魚
今始驗闕西邦闕逆旅
三魚為餽五車應響囊真富九曲尋源路不迷

便欲清風生兩腋丹梯萬丈待君躋

舟中望六和塔

銀濤倒海翻卓塢何崔嵬環擁三面山一江望中開炎曦迴
石林綠淨掃浮埃深藏怖鶴枝高凌雨花臺沉沉渡杯去悠
悠折葦來傳聞羅刹僧於此結聖胎濁鄒魯大盜周處蛟虎
儕苟能洗心慮名與先賢偕孰云迷難復萬里一日回我舟
絳跼閣詩彙

十一

卷七

不可繫西上方溯洄

桐江即目

放舟目涉趣我來富春江清華復明瑟山水真吾邦一聲畫
眉嗁兀立老樹腔巒岩翠合沓灘濼音琤淙三家山徑村七
里水宿瀧樗蒲見沙石畫角傳官艫昏旦氣候殊序豁心胸
降揚帆飽十幅四面開軒窓白鷺時一點前飛立魚缸

自富春達龍游隨舟所泊處呼僮取石子以供

水渾魚可潛水清石可掇况茲七里瀧秀色奪三越樗蒲子
纍纍虎豹酋活活深深沒踝淺淺僅在渴渴音淘摸忽而喜

有若得雋喝或如綠玉笏或若紅韎鞞蛹化蠶蛻餘土裂竹
萌豁波斯懷寶嬉雞犬穿雲聒龍荔枯蓮蓬貢道九州濶縣

厓散匹練觀者神為奪癖哉儒生好翫此忘飢渴我行計水
郵身已在太末嘗聞有石魚陸處苦濡沫注之以清泉鱸鮪
看潑潑寧知無蛟龍莫以醜石汰賞竒貴自我勿憚腓無肢
龍游驛前汎近山

蒼江無涯濬山削如斧擘石裂為空腔苔蘚封械械其色太
古鐵其山萬古宅鐵亦不能蝕宅亦不能阨雞鳴隱茅茨靜
閱舟中客

水碓

舟行衝龍游水碓歷數十轉輸任蒺機彊以叉手立輓轡易
甕抱桔槔須縷汲勞逸雖不均終藉人力給遜此奪天工安
坐拾白粒所以元道州網吾歌急急

絳跗閣詩稟

十二

卷七

下灘

帆風併水力一去勢千里烏桕樹淺深濛濛水雲裏村人至
白頭不知向城市偶移雙不借濯足石齒齒

三衢七夕

七夕傳佳節三衢望使星盤中織錦石扇底讀書螢歷歷白
榆白彎彎青黛青來朝有飛鵲乾濕驗修翎

仙霞嶺

巍巍十八盤帝座壓其上屢屨不知危俯視覺神王闔越爭
一綫此嶺扼其吭時清埽烽烟事往感霸王勇夫一當關萬
騎莫敢抗兩竿茶梨窰方軌隘而妨去五嶺嶺嶺峻遜此丈
人行緬思李武定謂文襄公元老猷克壯微爾人盡非半壁相倚

仗只今營壘瘳甲士喜無恙小隊出郊迎具見崇禮讓綵霞
萬道金攢峯千疊障皇華滿原隰登頓敢惆悵清風吹車帷
首路開虎報

坐洗霞池亭上亭在仙霞嶺

一掬洗霞池儵魚樂自知亭前紫薇樹亭後木樨枝曲逕最
深處諸天香雨時長吟周沈句起卧不知疲亭有櫺園侍郎
齋學士詩

江郎山

曉過清河楓嶺營誰來三面矣相迎迴看樹裏隴隴月不及

江郎遠送行三山皆石筍其一合沓駢生而擊其二石如兩
板中可容一小兒過逼視之如力士相堅持一
石如勇夫重閉者然遠近不可為狀土
人云過容明見者為福星蓋霧隱多也

甌寧麻源谷

絳跗閣詩彙

十三

卷七

豚柵牛宮野碓輪粗草草搃精神若逢宰相陶貞白也美
山中作息民

建寧道中

閩灘雖云險溪山殊可人嵐翠森且秀竹木濤而醇間或雜
禿鬣依然古仙真還同竹籬下靜女嬌含顰相對無一語嘿
嘿意自伸又若荷蓀子終帶烟霞芬粗服着芒屨抵死無俗
塵溪縮水滴滴溪漲波云云滴滴瀉琴筑云云轉輪囷好花
如故人白雲為嘉賓亦有聚族居雞犬圖書親場圃在面前
樵漁左右隣緇書義皇上爛醉白酒渾官租早輸却縣吏不
到門若非人外游即是壺中春郎罷攜阿囡羨此風俗淳

建陽寓館贈左明府桐城人忠毅曾孫

宛轉谿橋渡蘆盧憇水南羅生花十樣懸挂壁千函松竹寒
無改詩書夙所耽每因賢地主來往駐征驂
光朝忠毅後日月共齊光山水留明府嘉禾滿建陽行厨頻
竹裏揮翰對松肪靡及慚無似緇衣不敢當

閩灘閱舟行者

小灘聲濇濇大灘響嘈嘈石齒侔劍戟扁舟亦如刀我聽舟
人踈我羨舟人操轉關在須臾迅疾同飛猱迴入灘石凹捨
伏如下牢呂梁百步雷象馬瞿唐高此灘百二險六月寒生
毛垂堂古所戒出坎亦足豪不因涉大川豈識先號咷

黯淡灘

劍戟侔廉利灘光黯淡深溪流真白勃山意欲陵臨誰與爭
絳跗閣詩棠

古

卷七

雄長居然聚毒淫蛟龍吾仗汝忠信本為鍾

鎖院口占

一味靈臺昧朵頤斯須饜饜亦無期不妨一任比隣惱曾閱
歧亭汗字詩

夜堂深處五星明未敢題詩動玉京龍伯寧無釣鼈手試看
碧海掣長鯨

浩浩平沙古戰場珊瑚鐵網海難量只今痛定還思痛敬藝

南豐一瓣香

謂房師
粘公

食鱖魚

本屬春潮信高秋薦玉盤擊鮮無藉蕘斫雪勸加餐石首真
通印金螯不待酸胡能脫網罟猶想去鳧寒

石首化鳧
見爾雅翼

放榜日呈監臨王中丞暨諸同事

五夜燒燈萬卷儲鬼神風雨瞰虛無敢為程式同張寶聊解
詩嘲比魏扶今日封疆須屏翰一時噉羽協唐虞李無蹊徑
蘭生谷香滿公門達 上都

張丞承方伯同王東麓觀察張紫涵僉事苦惺堂運使
兼招郭韻清檢討于北塾學使公讌

最愛張喬賦月童影高羣木滿輪香序當九日三秋節式見
經文緯武場卷上霞光看作繪讌加愛敬接重觴木瓜難副
瓊瑤贈一片冰心好寄將

九月晦日輿中致延平建寧褚林兩太守

入水有車浮懸居有神樓匠心獨經竒專氣貴致柔我來單

絳跗閣詩彙

十五

卷七

車中坐睡過嶺頭近冬服纖絺彷彿大火流有菊即重陽有
月即中秋此語傳粵中於閩亦相伴得毋地氣偏或亦內熱
不遠迎二使君再拜無一酬慙慙返餼食過分我何求

清漣寺觀玉泉池魚

長者思流水舒姑涌蓋泉人間多幻影吾意會清漣方鑑涵
空色長源活十千惠莊嫌往復妙諦在忘筌

十千用金光明經事

由天竺過雲棲寺

過嶺郎當換竹兜肩賴足繭汗交流亂雲穿石梅家塢激水
棲首樹杪浮寺古屋低晴亦暝山深入靜動如休筍蔬尚帶
烟霞氣一飽清甜淪茗甌

自仰化集至傾蓋亭書所見

徐市誑秦皇誘此童男女何年海上還復爾村落聚呱呱而
嘻嘻十十兼五五自頂至兩骭冬夏無寸縷有時羸而歌鬻
作商羊舞猩猩走且唬同穴如鳥鼠彼以毛自蔽耐此希草
羽問之胡為然了不想寒暑嗟哉生理艱廉恥賤如土况兼
水旱仍信命輕去汝誰為賢宰官設法懸比戶口分一尺布
揜彼腹如鼓互鄉雖難言童子免失所莫令傾蓋處鹿豕如
太古

沂州府太守鄭荔鄉閩人也出詩文見示口占六詩以
答

飢人爭夢飽高士只飡霞識得才多患方知味外佳飛騰看
自在雕刻陋生涯鮑謝門中入西崑豈作家

絳耐閣詩彙

十六

卷七

李杜韓蘇壘旌麾孰受降龍文非健者百斛豈能扛蠻語衆
軍解清吟木客腔粗疎語三葛華袞照涼庀

起衰推太僕備法數毘陵竟體皆冲舉華亭得未曾陶菴存
正氣筆力魯公能苦愛黃門秀韜材敢誇興見時下論文和
太守韻詩敢識

陶菴卧子兩公
制義者故及

風前臨玉樹此事讓湯髯戍削孟旋峻遙香思曠恬正希文
外絕駿甫格中嚴若論西江雋方城一例兼

宿老論 昭代劉張戚李王能翻熊馬座寒碧最南強後起

何家秀斯人今亦亡八門兼七堰誰與問蒼蒼義門著錄
秀氣成采

蔗尾題詩集黃楊意略方格高丹荔祭神徃鄭公鄉石帚魁
南宋花間遠擅場填詞雖小技持論見津梁太守有論詞絕
句三十六首

阜城令嚴崧瞻攜酒饌過公館

數錢無姹女大雅問河間俗易胡能爾心知政自閑
蓋鏤留燭跋旅館即荆班通籍經三六編詩待爾刪

才大嚴明府三遷轉調繁燕南連趙北驛騎并輜軒積雪梅
花賦嚴有詠梅詩一卷最佳牽絲錦字蕃也知黃鵠志偃息看騰鸞

禮闈分校奉次相國西林夫子呈同事言懷得闈字韻
詩

皇都花好溢郊畿元老傳宣入禮闈淵泳快先爭探領米春
成後看傳衣秋山明淨春山冶天馬權奇國馬肥卓犖紆餘
均入妙賞音疇說鳳池稀

西臺整肅限簾畿布棘重重閱鑠闈敢謂翹材輕國士須知
絳跗閣詩彙
卷七

在笥重朝衣揀披細辨金沙屑傳刻還研棗木肥老眼無花
雙鬢白文章千古事真稀

八達崇期九達達東西南朔赴春闈杏花日暖重重麗楊柳
風吹葉葉衣或有相依如駉蟹不能千里入淮肥只今盡散
窮途恨當代歐陽世所稀

再名徵車入 帝畿當年掌卷赴重闈丁未余曾內簾收掌更來奎聚
星辰爛親見光回藻火衣信有圭璋皆特達言觀膏秣具堅
肥書生報國從茲始可羨忻逢潞鄭稀

再和西林公云初九日燈下閱諸君和詩有參用禪語者恐甲乙去取間務求高妙從渠殺活反失平等心殊非慎重搜羅意也戲疊元韻即做禪語答之

四門齊闢聚邦畿透徹光芒內外闈伯樂元知千里馬天孫

不著百家衣火龍黼黻虞廷繪牝牡驪黃垌野肥側聽一鳴
均釋褐長庚殘月見來稀

架屋何妨即舊畿寶珠纓絡燦新闡烝砂未必能成飯得髓
方知不藉衣在後瞻前寧是幻異歸同出我思肥水窮未到
雲俄起要認廬山面目稀

奉送荇洲先生請告旋里

朔風料峭趨丹陛春水方生上潞船 聖世遺榮貪亦好
門生雅故去還憐杖朝七十身猶健偕老期頤樂事全回
憶詩壇曾拔擢枯魚借潤出潛淵

郭進士植

出都却寄鄭荔鄉使君二首

爾到沂州府傳聲寄使君三朝頻洛誦一卷失遺文

却掃編下卷從

絳對閣詩彙

六

卷七

輿中失去迭奏堦筮好揚鑣壁壘勺山人懷少谷振響有同羣

抵郡趨朝謁

慈寧聖壽期若為莊置驛果見鄭當時插架拈書帶開筵滌酒

卮同鄉語同調朱敏求郭植可言詩

御題張庶子鵬冲所進春林澹靄圖遵韻奉和

想見霏霏委佩垂兩行御柳簇新眉玉堂清閱無人覺正是

離宮獨對時

河內稱詩大小毛不聞繪事擅能高愛渠春氣盡融冶漏洩

不言千樹桃

金坡元老捧紅雲乘興賡歌喜右文不比宣和誇藝苑灑成

五色雨春分

湛露濃濃若个承天梯今始信能升皇都烟柳雖然滿一種
春林澹絕勝

春曉重巒數李成和詩前席孰為榮溪山分外增顏色轉眼
韶光淋氣清

义手詩人接踵求要看指上結飛樓從今更說張三影占賦
春山最上頭

上杭明府史象舟以罰褐水晶珠遥餽即屬季生夢汝
迈壁再用東坡韻

生平論文章三昧在茲遣敢云筆力迴已覺風氣轉尚書陳
洪範周易闡大衍三禮說如律閱黃卷從君得慧珠彼

衆息浮喘離婁目自明象罔攢應反君看九州被本出同功
絳耐閣詩堂

繭寶珠在褐中還君意匪淺

十九

卷七

龍溪謝太君節孝詩

未論集

隨風輕落絮缺月耿黃昏白髮高王母烏頭表里門衣冠貽
五代書卷接來孫脫佩思當日賓興盛後昆太君為孝廉康對墀高祖母

鮑西岡別十八年矣近攝吾郡今司投扇次韻奉答
紛吾自哂亦浮名車馬長安比踐更循吏依然同屋漏彼姝

在昔望都城乘鄴近復添南薰風雨何曾改晦明罨畫重來
十三載待翁如待束先生明府所著鴻爪于山水間跋凡不淺待翁其自號也

為長興鮑明府題小簇圖十二首

我之俊逸才高詠不可和安得借君軒曉坐風宵卧坐機軒
趾腓資限輔一身如陟屺每于不出位滴露更研朱魚山磴

居士味道腴沈水付流水登臺一矯首清氣太虛裏博山臺
鑿垣迴俗士空洞得自在客若有王充倒屣亦無礙鑿垣洞

不慕司隸驄獨愛此亭古千載誰倡酬清新度開府後逸亭

現在去來心覓心不可得剎那成故吾前度香難即前度軒

莫訝劉郎愛花花葉葉當緋桃千萬樹泊亦愛劉郎劉郎泊

左右無倚着圖看中宛邛寧知打頭屋學舍小于舟宛邛

金屬姚陳王往來多勝侶指點虛白處緩一枝柔櫓停橈館

蘋萍種不一莫逐汀洲打相過柳暉祠移床注爾雅萍床

坐隱南郭侶吏隱浣花如鴈鷺且散去我與木石居木偶峯

再至邦人喜楊生十二稜乘槎如有待只在鮑山西稜槎

殘臘遙寄西岡時長興解任分司缺亦寄懸

絳跗閣詩彙

廿

苦憶詞人鮑冠亭天邊孤雁水中萍文編笠澤叢書體詩寫

魚山梵貝聽無數達官看隱吏祗聞居士閱金經寄聲赤白

探丸盜解使桓東一易形

郡廨梅花

剪刀風裏鴈聲橫露注寒香浥不傾紅白互看均有格包公

媵媚魏公清

花茵塵土散縱橫一任風飛高下傾複閣迴廊三百樹映來

不及使君清

寄金華七寶寺老僧越宗

闊別近八年兩見師致彙上云候起居下云展懷抱自今不足記棄去等一掃南船北公車每至傳傾倒接語想師顏九

十過耄老近聞不出門啜粥神氣好後來誰領袖可能起禪
藻庭前鳳尾蕉想像大如燾亦有美竹材疇采入箭筈堂堂
文武曲親喻佛工造余曾奉太宜人敬造文昌武曲二像并
致白銀八兩以資香燈為金華諸生祈
也福紳衿記誰某伽藍奉祈禱環寺水通源炯炯異行潦護寺
樹衆天森森異樗栲汲泉息樹下清涼洗熱惱別駕得華公
可藉衛七寶適來胡居士一扇當魯縞五言代柬書蘸筆殊
草草

姚母張太恭人輓詩

曾聞冬夜課孫圖傳自桐城孝子盧三命恭人 九重綉弔
陶大鶴感姜魚何人作誄題千字孰肯傾囷減七莖門十朱
輪家萬石由來母德照鄉閭

絳跗閣詩彙

廿一

卷七

年少猶難孫婦賢奉夫刲腕和湯煎驚心血指傷垂白不及
期頤享大年玉筍循陔辭 北闕繡衣拂袖去南天却因行
述昭彤史壺內芳徽一一傳

嘉興鮑明府餉惠山泉湖藕粉余報以箋穎并志謝焉
棘人那暇拂紅箋攔筆真成不讀邊乳水貴從詩伯供藕脂
流處道腴編龍鸞宛轉鳴琴筑方丈清香伴席璉朱宿寶羣
唐處士煩君點筆入詩篇朱寶唐告
惠山事

沈某荻蘆圖係顧虎丞所畫

葭萑莢亂蒲蕙荻風景模糊遠勢工羅願陸佃俱有疏筆談
重問沈存中

陸堂湯谷悲長逝益歎前賢命可傷想像王公酒壚在荻花

楓葉摠茫茫

同年于陸兩君並有題句

虎承真似虎頭癡獨到天機世未知莫訝圖中惟草草冰天

雪竹是吾師

顧有雪竹一幅最工儼然直上不為屈撓名筆也今贈西岡

侯水谷持詩集索句

菊圃自種約超然慕陶韋單樹秀澤容鴈宕天台歸石答有

古意禽言無是非不因謝康樂何以見清暉

侯有菊圃種約圖

次茅湘客觀潮詩韻

廣陵八月中秋潮垂賦掩絕無枚臯曲江真可喚羅刹不比

枉渚尋常濤今年元真氣張王婺源七月洪波驕紛紛赤子

豈魚鼈駢隣水族同遊遨期非尾生抱梁死恨無八跪魚兩

螯毒天坼地刺山骨孽蛟發窟拖長綯告灾延及八九府贖

絳跗閣詩彙

三

卷七

喜禾郡不動搖木皮之棺草束縛官錢雇直鉤長條錢唐江

干疊錯莫揭繫不辨遺孤跳有身無首手無足雷轟飛箭衝

牙橋我雖苦次免茅捲已痛驟雨狂風高胡然老友耽水怪

以詩招我翻翅翹觀潮創自蘇玉局文陣已敝虛飄飄支祁

罔象不率職移怒併在鯨鼉鼇剝皮斷脚斫萬段誰謂寶劍

非豪曹淫淫淋淋復滾滾喧喧序豁空自豪人言英衛公白

馬此逍遙重水大夫種前後相牽撩修娥競集南方原惡奴

亦逞齊俗刁飛流逆濺子胥廟銀山十丈何神妖非神非妖

果何祥年年歲歲暮暮朝善泗乘此張水戲奔龍插幟爭飄

颿飲飛水犀同此怒勇夫壯士思專要越殿鷓鴣久寐響吳

宮麋鹿無秋毫興亡俛仰猶一覘何殊杯水浮堂均左徒淮

悴有述作禮魂毅魄到楚騷女丁夫癸遁勝負陸渾一炬螭
焚郊大水必觀吾不忍息壤可塞疇爭挑

鮑明府示于役長興詩時奉檄往湖州勘灾

遠邇雜謡諺爭言使君清使君豈獨清吏民皆有情山水諧
夙緣魚鳥亦不驚大吏命勘灾往復收疲氓莫狗豪猾狙蘇
彼故鄣耕其吏則浣花其詩則春陵謂予言不信采詩閔長
興

去時好明月歸又直廩秋五旬何久淹人人識故侯不知故
侯胸清濁不同流胸中有慧珠眼中有青眸誰謂愿可欺未
識政自道舜跖同一傳罷自分薰蕕斯理如不驗望舒任沈
默鮑月鉅詩有黑心符莫人間
有懸象中天與世觀之句

絳跼閣詩彙

三

卷七

今日分司來不為綺筵造夙有山水癖適副窮檐禱山靈定
解頤開我生面好百姓亦嘿祝使君長壽考喜祝于使君何
嘗挂懷抱歲稔勿官歡歲惡勿官惱循職吾去來司城自有
寶

螭梅次西岡韻

磬口已殊絕檀心更儵然道裝無俗韻空谷儼安禪不礙羣
芳殿來看破臈先一經元祐品長恐落言詮

無忝黃衣聖猶存晚節心自然中色正畢竟道根深植豈梅
檀界香傳翰墨林水洄山欲暝烟火不教侵吳陰欲雪山長
瞑破曉終風水

漫洄韓
號句也

西岡曾以海棠索和余在祥未果也後補和之

芭蕉林裏伴齋房容易名園對海棠銀燭畫屏吹玉笛東風
細雨溼紅妝正愁小極難排悶忽接新詩抵藥方莫說漫山
桃李俗擘箋來自令公香

化工施粉復施朱姊妹花葉綴萼跗大婦競憐中婦艷吳都
解似蜀都無帶嬌且傍胭脂滙恣賞須傾碧玉壺莫是蓬萊
鴻落子因緣一為問麻姑

花深深處印床清方丈維摩示法平勺藥薔薇女郎句紅蘭
水館麗人行上元已過看燈蟹寒食重逢戴帽餉何待碧雞
坊刻畫詩傳即是錦官城

顏定摧殘偶泊沈城南勝侶舊招尋麻衣不出陳虛坐素几
閒披杜谷音鸚鵡鷓鴣添畫苑奇童麗則重魚金任渠春色
絳跗閣詩棠

廿

卷七

三夕候張觸博藥賦不禁

久不得山北先生消息

不見盧航控鶴還鏗然仙韻落人間鹿坪羊石他年別僅在
浮雲玉笥山

逸亭上人小影

履齒未曾到松風萬壑侵六年無住著七處已徵心如定
中影我聞空外音云何現說法杖笠白雲深

鮑明府自嘉興再調海寧作雲中君一篇以為贈

前年得太守太守之清水不如去年得使君使君之操玉不
渝太守卧理治有餘使君有鞭只用蒲樓邊烟雨五色敷分
司朱轡隼兩旗下考再屈為萑符盜賊爾獨非人乎坐令賢

者牽絲紆抱闕不如寵傳呼金布令甲他時須然非內熱心
水壺我則有懷吟且呿言容繭繭緞不殊敢賦無衣代援裾
胸羅武庫萬卷書入則客舍出借車長安秋雨同萊蕪瞥然
二十年光徂重來駕水華頭顱戴星如織安亡逋烟波往來
非釣徒咄哉三遷縣大夫龍宮窳窳企歐蘇海神鼓舞入奏
無有駭我芻隸我酤莫言陛下三萬歲臣至執金吾子為于
勝苑枯為問雲中君我言有是夫

逸亭餽占城稻米

滑過雕胡米圓同蕙汶仁碧鮮輕粉蕨軟美配青芹慚愧分
香積沈吟自遠津越裳定難似炊餉問嘉賓

張隱蘿致清溪逆魚

絳耐閣詩彙

廿五

卷七

有客苞苴致依侏二寸魚衝炎連尾尾逆水上喁喁競進憐
庖饌焚枯間腊腊老夫蔬食久雋味竟何如

書事

笠澤茫茫帶泖湖神姦秘恠過狼羆不知鈴轄誰游徼一出
扁舟即畏途焉得然犀窮窟宅可憐黃雀有頭顱乾坤亦要
端倪豁付與 天朝埽孽巫

諒無虎穴在桓東未免高陵慣伏戎循吏寧期逢左震怪民
從此絕江充金丹往事誅潘誕徐市何年誑幼童莫道吹毛
輕磔鼠譎張為幻地天通

有感

神羊一角立朝端臺閣風生分外寒未必漏言陽處父却疑

有客董庭蘭銀鐙百里追飛騎
狂狴經時預置棺畢竟直臣
容 聖主迴殊覆醢涕闌干

孫諸玉禾 重訂

經跗閣詩彙

其

卷七

08373

